

DE PROBATIONI-
BUS ET PRÆSUMPTIONIBUS,
DE FIDE INSTRUMENTORVM,
ET DE TESTIBUS.

DISPUTATIO. XXIII.

Ex ff. libro 22.

D. DIONYSIO GOTHOFREDO
*J.C. & LL. Antecessore in Academia
Argentinenſi, Præſide:*

PHILIPPO REYSERO MARPVR-
genſe, Respondente.

Disputabitur 3. Septemb.



ARGENTORATI,

Typis Joſæ Ribelij, per Andream Rietſchium.

ANNO CHRISTI M. DC. III.

Magnificis, Amplissimis, Clarissimisq̄
Fratribus Germanis

Dn. CHUNRADO PISTORIO

ICto & Ædis Teutonicæ, Marpurgi quæ est, Ad-
vocato excellentissimo:

Dn. JOANNI PISTORIO IL-

lustris. principis ac D. D. Ludovici junioris Hassiæ
Landgravij &c. Cancellario præstantissimo:

Dominis avunculis suis, omni honoris
ac observantiæ studio colendis,

Hanc de probationibus disputationem

Literarij exercitij symbolum: Perpetuæ
observantiæ testimonium

Dicat Consecrat

Respondens.

ANNO CHRISTI M. DC. III.

De Probationibus, & Præsumptionibus.

THESIS I.



PROBATIO est actus Judiciarius quo litigator de intentione controversa fidem judici facit.

2. ¶ Probationum aliæ artificiales sunt, aliæ inartificiales: quarum utræq; vel plenè vel semiplenè (ut Dd. loquuntur) rem judici probam certamq; faciunt.

Robert. 4. sent. c. 1. Sich. ad rub. C. h. nu. 4. & 5.

3. ¶ Artificiales ex ipsa actionis causa dimanant, Et agitur de ijs in tit. 3. propositi digestorum libri 22. Inartificiales extra causam depromuntur. Et agitur de ijs in tit. 4. & 5. Eod.

4. ¶ Videamus primò de d. tit. 3. Cujus præcipua quæstio hæc est, Cuiam incumbat probatio? Resp. Intendenti seu asseveranti, non item neganti.

l. 2. ubi Bart. l. 12. 13. §. 1. 19. in pr. 21. cñ seq. ff. h. t. l. 1. l. 23. ubi item Bart.

C. Eod. l. asseveratio C. de non num. pec. Negationem tamen meram intelligimus, non eam cuius ratio aliqua reddi potest: cui affirmatio est Implicita, quam pregnantem vocat. §. 11. Inst. de Inutil. stip. l. 8. ff. hic.

5. ¶ Materia probationum sunt tam juris quam facti quæstiones in iudicio motæ. *l. ab ea §. ff. & l. si ve 16. C. h. t.*

6. ¶ Earum tamen non notoriæ probandæ sunt, sed incertæ & ad causam spectantes, quas releuantes & pertinentes appellant.

l. 10. 17. 21. 22. ubi Dd. C. h. Unde hodie graviter peccatur dum clausula illa, Salvo iure Impertinentium & non admittendorum, adiecta articuli qui vis sine discrimine in foro recipiuntur arg. l. 1. & auth. in isto. C. de Iuram. prop. cal. dan. Gail. 1. obs. 31.

7. ¶ Probationes autem regulariter post litem demum contestatam, ^a Et quidem ante terminum, à Judice ad id præfixum, elapsum ^b institui debent.

^a *t. t. Ext. ut lit. non contest.* ^b *l. 1. ubi Dd. C. de dilat. Mascard. vol. 3. concl. 1229. de probat.*

8. ¶ Et si quidem affirmans plenè probat res ita expedita est, ut iudex ad causæ diffinitionem venire possit. Si semiplenè secus est,